



Ilanngussaq  
Bilag

Aningaasaqarnermut Aatsitassanullu Naalakkersuisoq  
/Maani

Ulloq: 02-05-2016  
J.nr.: 01.31.03-00011

## **UPA 2016/25-imik Aningaasaqarnermut Akileraartarnermullu Ataatsimiititaliap suliarinninnera**

Soraarnerussutisiaqarnissamut inuunermulluunniit sillimmasiinermik aaqqissuussinernik, soraarnerussutisiaqarnissamut aningaasaateqarfimmit imaluunniit inuunermut soraarnerussutisiaqarnissamulluunniit sillimmasiisarfirmmit Kalaallit Nunaanni angerlarsimaffeqartumit Danmarkimut, Savalimmiunut nunanulluunniit allanut nuussinermi akileraarutigut akitsuu-titigullu isertinneqartut immikkut ittumik isertitatut, siunissaq ungasinnerusoq **isigalugu aningaasaliissutissanut aningaasaateqarfimmut** nuutassatut isigineqarnissaasa qulak-keerneqarnissaa Naalakkersuisut akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisissaattut siunnersuutikkut (UPA 16/25) kissaatigaat.

Aningaasaateqarfik missingersuutitut inatsisip akuersissutigineqarneranut atatillugu piler-sinneqartussatut eqqarsaatigineqarpoq. Missingersuusiornermulli inatsisip inaarlugu suliarineqarnissaa UKA 16-imut kinguartinneqarpoq.

### **Apeqqut 1:**

**Missingersuusiornermut inatsisip akuersissutigineqarsinnaanera atuutiler-sinnaaneralu sioqqullugu soraarnerussutisiaqarnissamut inuunermulluunniit sillimmasiinermik aaqqissuussinernik, soraarnerussutisiaqarnissamut aningaa-saateqarfimmit imaluunniit inuunermut soraarnerussutisiaqarnissamulluunniit sillimmasiisarfirmmit Kalaallit Nunaanni angerlarsimaffeqartumit Danmarkimut, Savalimmiunut nunanulluunniit allanut nuussinermi akileraarutigut akitsuu-titigullu isertitsissutaasinnaasut qanorpiaq aqunneqalersaar-nersut nassuiaa-tigeqqullugu Naalakkersuisut ataatsimiititaliamit qinnuigineqarput.**

### **Apeqqut 2:**

**Oqaluuserisassat UPA 2016/21-p aamma 25-p kinguartinneqarsinnaanerannut Naalakkersuisut isumaat ataatsimiititaliamit paaserusunneqarpoq.**

**Oqaluuserisassat taakku UK 2016-imut kinguartinneqarsinnaanerat qanoq pitsaaquteqartutut ajoquteqartutullu Naalakkersuisunit isumaqarfigineqarpa?**

Naalakkersuisut akissutaata **kingusinnerpaamik marlungornermi ulloq 3. maj 2016-imi** tiguneqareersimanissaa ataatsimiititaliamit qinnutigineqarpoq.


Side 1 af 2



INATSISARTUT

Akissut [inatsisartut@inatsisartut.gl](mailto:inatsisartut@inatsisartut.gl)-imut assilineralu [saam@ina.gl](mailto:saam@ina.gl)-imut [nassiuteggunegarpoq.](#)

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua



Aningaasaqarnermut Akileraartarnermullu Ataatsimiititaliaq

/Maani

**UPA 2016/25-imik Aningaasaqarnermut Akileraartarnermullu Ataatsimiititaliap  
suliarrinninera**

Allakkap ullua: 02-05-2016  
Suliap normua. 2015 - 17245  
Akt id. 2684235

Ataani allasimasumi Naalakkersuisut Aningaasaqarnermut Akileraartarnermullu  
Ataatsimiititalip ulloq 2. maj 2016 allakkatigut apeqqutai marluk akissutai allasimapput.

P. O. Box 1037  
3900 Nuuk

Oqa. (+299) 34 50 00

Fax (+299) 34 63 50

E-maili: oed@nanog.gl

www.naalakkersuisut.gl

Ataatsimiititaliap akissutai naliginnaasumik allanneqarput, akissutillu *uingasumik*  
allasimallutik.

Apeqqut 1:

Missingersuusiornermut inatsisip akuersissutigineqarsinnaanera atuutilersinnaaneralu  
sioqqullugu soraarnerussutisiaqarnissamut inuunermulluunniit sillimmasiineramik  
aaqqissuussinernik, soraarnerussutisiaqarnissamut aningaasaateqarfimmit imaluunniit  
inuunermut soraarnerussutisiaqarnissamulluunniit sillimmasiisarfimmit Kalaallit  
Nunaanni angerlarsimaffeqartumit Danmarkimut, Savalimmiunut nunanulluunniit allanut  
nuussinermi akileraarutitigut akitsuutitigullu isertitsissutaasinnaasut qanorpiaq  
aqunneqalersaar-nersut nassuiaatigeqqullugu Naalakkersuisut ataatsimiititaliamit  
qinnuigineqarput.

*Akissut:*

*Taamak pisoqartillugu iluanaarutit nunatta karsianut ilaassapput, kontomut  
pingaarnermut 20.11.22 Isertitat Allat-nut nakkarnissai naatsorsuutaavoq.  
Takorloorneqarsinnaavoq tasangaanniit mittarfinnut aktianik piginneqatigiiffimmut  
pilersinneqartussamut aningaasat nuunneqarnissaat Naalakkersuisut qinnuteqassasut,  
qinnuteqaat tamanna pillugu ataatsimiititalip paarisaa malillugu.*

Apeqqut 2:

Oqaluuserisassat UPA 2016/21-p aamma 25-p kinguartinneqarsinnaanerannut  
Naalakkersuisut isumaat ataatsimiititaliamit paaserusunneqarpoq. Oqaluuserisassat  
taakku UK 2016-imut kinguartinneqarsinnaanerata qanoq pitsaaquteqartutut  
ajoquteqartutullu Naalakkersuisunit isumaqarfigineqarpa?

*Akissut:*

*UPA 2016/21-mut tunngatillugu ukiakkut ataatsimiinnissap tungaanut  
kinguartitsisoqassagaluarpat, Akileraartarnermut Aqutsisoqarfiup minnerunngitsumillu  
soraarnerunermut peqatigiiffiit inatsisip allanngornerata atuutsilernissaanut  
piffissarititaannut annikillisaataassaaq.*

*Lærernes Pension (LP Pension) ilaatigut oqaatigaat, annertuumik  
aningaasartuuteqartoqassasoq, piffissarlu annertoq IT-kkut attaveqaatinik allanullu*

*pilersitsinissamut atorineqassasoq. Aammattaaq oqaatigaat aningaasartuutit eqqarsaatigalugit inatsisip atuutsinneqalerpat aatsaat inatsisimut allannguutit soraarnerunermut karsiminnut atuutsinneqarneri aallartisarniarlugit. Siunnersuut UPA 16-mi akuerineqassagaluarpuunnit, soraarnerunermut karsi una malillugu (LP Pension) piffissarititaq annikissaaq.*

*Tamanna tunngavigalugu Naalakkersuisut isumaqarput, aappassaaneerineqarnera pingajussaaneerineqarneratalu Ukiakkut Ataatsimiinnissamut kinguartinneratigut atuutsilerneru 1. januar 2018-p tungaanut kinguartinneqartariaqassasoq, tamannalu kingunerissavaa AI 2017-mut akileraarutiniit isertitaat 55 mio. koruuninik annikillinissaat.*

*UPA 2016/25-p atuutsilernissaanut ulloq 1. juli 2016-mut aalajangiunneqarpoq. Ulluliinermut ilaatigut peqqutigineqarpoq siusissukkut pissutsit ersarissarnissaata qulakkeernissaa, Kalaallit Nunaanni soraarnerunermut karsi ingerlataminik unisitinissaa sioqqullugu, ilaatigullu peqqutigineqarluni soraarnerunermut karsi ulloq suna atorunnaarniarnersoq nalunaarutigineqarsimannginnera.*

*Tamanna inatsisillu annertussusaa eqqarsaatigalugit UPA 2016/25 Upernaakkut Ataatsimiinnermi naammassineqarnissaa Naalakkersuisut piumaneruaat.*

Inussiarnersumik inuulluaqqusillunga  
Med venlig hilsen

Randi V. Evaldsen